

VI. LOCUS.

De fine Mundi.

Haecenus de fine singulorum, quid verò de fine universi  
nūmque mundus hic æternū durabit: an suum etiam  
finem habiturus est?

**S**ICUT hic Mundus initium habuit (quod in  
loco Creationis demonstratum est: ) ita quoque  
habiturus est finem.

*Psal. 102. 26. Initio terram fundasti: & opera  
manuum tuarum sunt caeli. Ipsi peribunt, tu au-  
tem permanes: & omnes sicut vestimentum vete-  
rascent. Et sicut indumentum mutabis eos, & tran-  
sibuntur: Tu autem idem ipse es, & anni tui non  
deficient.*

*Esa. 51. 6. Caeli sicut fumus dissolventur, & ter-  
ra sicut vestimentum putrescet.*

*Luc. 21. 33. Caelum & terra transibunt: Verba  
autem mea non transibunt. 1. Ioh. 2. 17. Mundus  
transit & concupiscentia eius.* ●

Quando futurus est mundi finis?

Diem aut horam mundi interitus nemo defi-  
nire potest: Sed in propinquo esse, certis Scripturae  
testimoniis & signis, quae praecessura sunt, haud ob-  
scure patet.

*Marc. 13. 31. Caelum & terra transibunt, verba  
autem mea non transibunt. De die autem illa vel  
hora nemo scit, neque Angeli in caelo, neque filius, ni-  
si pater.*

*1. Ioh. 2. 18. Filioli novissima hora est.*